

吳江縣志

1020.193

卷三

三

吳江縣續志

序

郡縣之有志備

國史也天下省府州縣志例數十年一修吳江之地自雍正四年始析分爲震澤縣分縣後果堂沈氏始一修時在乾隆十一年沈氏之志賅備詳贍爲時所稱至今又一百三十年咸豐庚申粵賊之擾檔冊所存亦燬燼無餘其缺佚何可勝道同治十三年秀水金君若人始定續修之議條例秩然矣光緒紀元金君螺青繼之一年之中藁已畧具余來茲士首事此舉屬諸君子續次具藁捐廉付手民金君螺青復助余所不逮又閱一年之久始將蕞事爲書凡四十卷斷自沈志以後至於今日其間詳畧各有義例與沈氏之書可合行可單行諸君子於凡例能自言之矣攷沈氏在乾隆初

吳江縣續志

序

國家極盛之秋也其戶口盈實生理繁庶天下皆然而三吳財賦之區尤甲於他省吾邑百年之間地域水利無所消革自克復以後倉庫解署皆未有所興建境內六十餘萬之田猶未盡墾

朝廷賦稅旣普減三分之一而民歲輸之數尙不及三分之一二民氣凋敝終歲而耕不供數口一歲之食兢兢焉惟水旱偏災之是懼今歲飛蝗自大江以北至境內幾數千里幸未爲害而雨雪偶多收穫不時辦賦不能如期蓋嘗深求其故而不得其所以然孔子曰不患寡而患不均孟子亦曰井地不均穀祿不平自三代後田得民間自買賣均固難言矣然惟難言均不得不於不均之中稍整齊而補救之鵬不敏朝夕兢兢惟恐失墜幸獲覩斯志之成以貽後之來者其亦有

以攷其得失盛衰之故歟

光緒丁丑季冬月上浣知吳江縣事錢塘翰仙陳鵬撰

吳江縣續志

序

二

同治十三年之冬福曾來權吳江縣事時遭兵燹閱十年矣廢墜畧已修舉而城郭蕭條猶如村舍既與其邑人士遊冀稍講求利弊補裨於萬一凌君礪生來請與青浦熊君純叔同邑李君辛培輯松陵文錄一書已成因及邑志事謂去前修之歲已百餘年凌君慨然願任之也福曾即以屬凌君與熊李二君共謀之福曾即於次年謝去志事已有端緒來者爲嘉興族叔父螺青任一年而藁具後至錢唐陳君翰仙力任剴劂方將增補闕漏排比纂輯而熊君復與修青浦縣志是年中州大饑凌君熊君與福曾先後醵金馳賑志事一以委李君隨輯隨刊熊君既歿於衛輝賑所凌君與福曾先後歸則志亦將告成矣福曾前讀其所輯松陵文錄一書義類

吳江縣續志

序

一以桐城姚氏爲歸庶幾知體要者也今天下州縣例皆有志而能合爲書之體要者蓋寡大都辭繁而不能簡事冗而不能擇矯之者若康氏之武功韓氏之朝邑以爲成一家之言則可矣合於志之體要則未也此書但續前志之後以前志爲果堂沈先生所修不敢輕有改易蓋慎之焉書中詳略去取皆有義庶幾卽文錄意乎今年晉省猶飢福曾復爲同人牽率以去乃執筆而序其書惜熊君已不及見之也

光緒五年己卯前署吳江縣事秀水金福曾序

序

吳江爲蘇郡屬縣南鄰浙界北至省城東連長白蕩西接太湖四境分設汎地近奉檄撥水師駐防一要害邑也雍正初因政繁賦重析震澤縣以分理其巨區七十二峯之壯麗鍾靈毓秀代產聞人而左右水區每多支港匪類易藏號難治瀾於光緒紀元乙亥歲六月江陰卸事奉檄權吳江公餘多暇得與賢士大夫交知邑中自克復後百廢以次遞舉前署令茗人爲瀾同族方捐廉續修縣志發凡起例稍有端緒屬瀾竟其事攷吳江縣志自乾隆丁卯修輯迄今百餘年矣其閒風俗之盛衰戶口之盈耗賦稅之輕重兵勇之增減與夫祠廟寺觀之遷移歷年旣久不無變更苟無志乘曷由考鏡而纂修不得其人非濫卽遺亦不足信今傳後茗人之爲此

吳江縣續志

序

一

舉也所延皆學識兼優碩彥人望主纂者青浦純叔熊君協修者本邑凌君馨生礪生暨李君辛垞年餘將歲事丙子仲夏瀾去吳江赴崑山本任時快睹新志之垂成今令爲錢唐翰仙陳君以棗木來告又獲與聞可不謂厚幸也歟志凡四十卷接續前志文簡於昔事詳於今毋濫毋遺可傳可信諸君子之同心併力亦可云敏於事矣是書也茗人始之翰仙終之瀾得假手以附名簡端豈徒是邦百餘年文獻之徵不致散佚凡後之官斯土者亦幸資以考鏡爲善俗宜民之一助也夫至於體例之合宜文章之完美茗人已敘之不復贅云

光緒二年丁丑九月嘉興金吳瀾臚青氏敘於玉峯署中

吳江縣續志

勑修官

署吳江縣知縣金福曾

監修並捐資官

署吳江縣崑山縣知縣金吳瀾

吳江縣知縣陳鵬

會隨監修官

吳江縣教諭李頤

吳江縣縣丞江守愚

纂修

青浦縣歲貢生熊其英

采訪

吳江縣續志

官銜

侯選郎中舉人凌淦

內閣中書副貢生凌泗

校勘

廩貢生李齡壽

吳江縣續志

凡例

前沈彤志修於乾隆十一年丁卯今志續沈彤志之後斷自十二年始至光緒四年止爲續志告成之歲也

續志體例一遵沈志然有不盡同者如前志界域山水形勝鄉都圖圩鎮市村田蕩之類無可續風俗亦然經略一門亦闕有則入營建矣

卷首恭紀一篇紀

巡幸也前志所無天文則補經緯表疆域則補沿革表及圖圖用同治中省垣輿圖局測量所定本縮摹之皆是前志所有而補之者也

軍興以後營汛增設水師田賦減額爲莫大之政其所載較吳江縣續志

凡例

詳祠祀不在祀典者慎載寺觀多毀廢特略焉入雜志中善堂前志未有於地方政治有關今附營建

職官多闕失以軍興後檔冊無存也選舉科第私家尙有記載例仕今多於昔已分發到省者載之然亦不能盡也封贈更不勝載前志亦無之

人物名臣今易爲治績以其名難副也忠義一卷軍興後死難者罔其事蹟不詳者則以省中所修昭忠錄表關吳江者附之婦女死者苟有可載悉入列女不遺孝友事蹟多同特變例爲之其異者必詳言之也其餘各篇亦有合數人爲一傳者僧道不入人物附寺觀後

前志人物有別錄一卷謹嚴之至焉今無之不敢有所進退軒輊亦前志意爾

藝文例集詩文前志亦然吳江自袁氏景輅輯松陵詩徵陸氏日愛輯續詩徵刊行同治十二年青浦熊其英邑人凌淦李齡壽已先有松陵文錄之輯故續志不另集詩文以詩徵文錄與志自相經緯也其有關事實者附各卷中書目約分經史子集先列

四庫全書所收並依簡明目錄略載書之原委前志已收之書一概列入次以附存目錄後依四部分載有序跋可發明此書刪節載之倣朱氏彝尊經義考例也

雜志中紀兵一篇爲咸豐十年至同治三年一大變故就耳目所見聞并采吳中平寇紀略爲之

釐捐爲軍興以來一大政吳江就盛澤鎮釐局計之歲可十萬餘緡合邑而論爲數亦巨矣本擬別纂爲篇論者謂之

吳江縣續志

凡列

二

一時權宜非經常之政故但雜志中附見之

同里鎮志黎里鎮志黃溪志嘉慶中輯分湖小志松陵見聞錄江震人物續志舜湖紀略道光中輯惟城中獨無前輯者事蹟較不得詳軍興後檔冊蕩然其稍可稽者僅賴此爾

此志爲綱者八爲目者五十二爲卷者四十疆土營建賦役青浦熊其英爲之職官選舉人物藝文雜志李齡壽爲之討論增損凌泗凌淦爲之光緒元年六月開纂於莘塔凌氏二年八月稿具繕錄開雕又閱二年餘也

吳江縣續志目錄

卷首

宸翰

卷一

天文經緯表 疆域沿革表

圖附

疆土

卷二

城池 公署 倉儲 亭館 院堂

民建善堂附

義塚

卷三

學校

營建二

卷四

營汛 驛遞

營建三

卷五

營建四

吳江縣續志目錄

祠祀 家祠附

卷六

水利 修塘 橋梁

營建五

卷七

坊表

營建六

卷八

蠲免

賦役一

卷九

丁口 田蕩

賦役二

卷十

賦額

賦役三

卷十一

賦役四

雜稅 徭役

卷十二

職官一

名宦

卷十三

職官二

長官

佐官

屬官

儒官

武官

卷十四

選舉一

科貢

卷十五

選舉二

欽賜

特科

蔭襲

軍功

議敘

吏仕

例仕

卷十六

人物一

儒林

卷十七

人物二

吳江縣續志

目錄

二

治績

卷十八

人物三

孝友

卷十九

人物四

行誼

卷二十

人物五

忠義

昭忠錄表附

隱逸

卷二十一

人物六

文苑上

卷二十二

人物七

文苑下

卷二十三

人物八

藝術

卷二十四

寓賢

人物九

卷二十五

列女傳一

人物十

卷二十六

列女傳二

人物十一

卷二十七

列女傳三

人物十二

卷二十八

列女題旌

人物十三

卷二十九

列女彙旌一

人物十四

吳江縣續志

目錄

三

卷三十

列女彙旌二

人物十五

卷三十一

列女彙旌三

人物十六

卷三十二

書目一

藝文一

卷三十三

書目二

藝文二

卷三十四

書目三

藝文三

卷三十五

藝文四

書目四

卷三十六

書目五

卷三十七

書目六

卷三十八

災祥 紀兵

卷三十九

寺觀 僧道附

園第 墓域

卷四十

志餘

藝文五

藝文六

雜志一

雜志二

雜志三

吳江縣續志

目錄

四

吳江縣續志卷首

宸翰

恭錄

宸翰冠卷首紀

巡幸也

聖祖仁皇帝御製詩

丁丑

晚過吳江

垂虹蜿蜒跨長波畫戟牙檣薄暮過燈火千家明似晝好風
好雨祝時和

入平望 有序

平望為江浙界長吏以五百畫舫來迎恐勞民力卻

吳江縣續志

卷首

宸翰

之不御

錦纜無勞列綵艘輕橈自愛倚船窗勤民不憚周行遠早又
觀風到浙江

癸未

過平望賜翰林院檢討潘耒

樓下南來水清冷百尺深菰蒲終夜響楊柳半溪陰日月驅
人老江湖動客心向來歌舞宴達曉看參橫

高宗純皇帝御製詩

辛未

鶯脰湖詞

極目煙波天四圍鶯湖正值早鶯飛漁人賈客皆歡喜帆飽
兼看春水肥



網絲風信足催漕吳人以東南風為催漕雨後蓑衣曬處高棹指垂楊

輕傍岸綠雲枝上掛銀刀

春草碧色水綠波遙看吳岫濯青螺此間詐是相宜者聞道

前人有志和

平望

景霽風微湖似鏡輕帆十里暢人心樓臺遠近稱吳望老幼
扶藹漸越音澤滿魚蝦船作市地多桑柘樹成陰吾民庶矣
思藏富惟祈年志倍欽

倪瓚葉湖別墅圖

野水閒亭寫葉湖煙波杳靄樹模糊不因攬景東南國詎信
村居有丈夫

丁丑

吳江縣續志

卷首辰翰

三高祠

范蠡張翰陸龜蒙范成大為之記

碑記今觀范成大畫圖昔詠李公麟李公麟吳中三賢圖曾有題句吳英
仰三高節避世常為住世人

鱸香亭

林家亭子陳家句津逮都因張季鷹四柱中曾人幾閱葦鱸
得味幾人曾

壬午

三高祠

避禍何曾忘貨殖范蠡思葦直是見幾圖張翰天隨不赴蒲輪召

陸龜蒙一例三高安勉殊

乙酉

蘇州啟蹕作

霽景麗天杜水程發畫樓清晨別茂苑已刻過堤
民情篤郊圻春色擬明將入浙境時邁亦予邦

謹案翁廣平平望志恭紀康熙四十四年乙酉

聖祖仁皇帝五次

南巡過平望翰林院檢討潘耒迎

駕蒙

恩賜

御書臨董其昌字又案王鯤松陵見聞錄恭紀

高宗純皇帝

南巡先後

屬車自蘇

幸浙皆取道吳江乾隆十六年辛未恭設

吳江縣續志

卷首 宸翰

三

大營於南斗圩廢員李重華迎

駕蒙

恩賞給編修原銜二十二年丁丑

大營仍設南斗圩二十七年壬午設吉慶寺

寺本名積慶

邑人

王楠吳堅恭備綵亭綵鷁迎

駕

恩賞黃緞荷包各一三十年乙酉恭設

大營於吉慶寺舉人金學詩獻詩

恩賞緞一疋

回鑾

大營設南斗圩四十五年庚子四十九年甲辰並設南斗

圩當丁丑之歲震澤廩膳生員王莘有重幸恭紀一篇

草野懷忠鬱未上達謹取而錄之綴附簡末藉以頌颺

聖德紀千載一時之盛亦用補前志之缺云爾

重幸記

乾隆之十六年

天子巡幸三吳且至兩浙問民疾苦省視農桑老弱歡迎歌

舞載道尊高年赦有罪廣員額蠲租稅陳詩以觀風納

稼以勸俗

綸音特布巨典攸行德至渥也然常是時有司不能善承

意旨往往乾沒騷擾假公攘利供億日繁哀哀无藪父老以

為憂謂

天子神聖

鑿輿所屆德洋恩溥而有司奉行若此我民其曷以預今年

春

天子憂民生之不遂而曠典之再舉為難也乃下

詔書丁甯諳復臣莘敬繹之大致蓋謂江南之民比歲遭乏

流離顛隘朕甚悼之方欲與二三大臣省其疾苦釋其

憂勞俾安室家毋廢恒業朕之願焉而願以供億重煩

我民是益之咎也謂天下何其合有司毋修飭山川毋

崇侈宮室列示前規務期省約行且脫粟瓢飲露行風

處與我篤老稚童話農桑問稼穡而已爾臣工其體此

意焉於是二三大臣咸稱

意旨進御之物甯朴毋華難犬熙熙閭閻清肅較前歲之役

吳江縣續志

卷首

宸翰

四

途省十之七焉其諸所謂尊高年赦有罪者如前禮廣

員額蠲租稅者如前禮陳詩納稼觀風勸俗如前禮嗟

聖心憐惻降德下民涵濡沾足何其至也臣於是而歎生民

之多幸甚思之至無己也我儕生長

聖朝沐浴膏澤膺多福也久矣而當

巡幸之時乃復申命用休體郵周至如家人父子之相得憂

娛歡戚底所適焉則洵乎

聖主之恩靡有涯量而小民服疇食德銘肝鑄肺當如何愛

戴也歲在強圉赤奮若

草莽臣震澤王莘恭紀

